

جريدة محاكم

جمعه ایرتسی

نومرو ۹۷۰ ذی القعدة ۳ سنه ۱۳۱۵ مارت ۱۴ سنه ۱۳۱۴ صحیفه ۱۳۸۳۷

(اشبو خمرته بهر هفته جمعه ایرتسی کونلری چیقار . سنه لکی درسعادت ایچون مجیدیه یکریمی فروش)
 (حسابیله التمش فروشدر . طشره لر ایچون اون بش فروش پوسته اجرتی ضم اولنور . بهر)
 (نسخه سی ینه مجیدیه یکریمی فروش اولق اوزره یوزیاره به هر یرده ساتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکته مشتری اولق استیانلر عدلیه نظاری)
 (دأره سنده کأن جریده محاکم اداره سنه مراجعت ایلیلدر)

قسمت رسمی

ایدین ولایتی داخلنده کأئن د کرلی سنجاغی بدایت محکمه سی جزا دأره سنه اوچبوز
 اون اوچ سنه سی ظرفنده ورود ایدوب رؤیت اولنان وسنه حالیه به دور
 ایدیلان موادک مقدارینی مبین خلاصه یوصله سیدر .

یکون	جنایت	جنحه وقباحت	استیناف	ملاحظات
۷۹	۱۸	۵۲	۹	اوچبوز اون ایکی سنه سندن مدور مواد
۸۰۴	۱۴۳	۴۹۷	۱۶۴	اوچبوز اون اوچ سنه سنده کلان مواد
۸۸۳	۱۶۱	۵۴۹	۱۷۳	یکون
۸۲۸	۱۴۹	۵۲۶	۱۵۳	اوچبوز اون اوچ سنه سنده رؤیت اولنان مواد
۰۰۵	۰۱۲	۰۲۳	۲۰	دردست رؤیت اولوب سنه حالیه به دور اولنان

آیدین ولایتی داخلنده منتشا سنجایی بدایت محکمه سی جزا دائره سنک بیک
اوچیوز اون اوچ سنه سنه مخصوص ایستانتیق خلاصه سیدر

جنحه وقباحت

بیک اوچیوز اون ایکی سنه سنندن مدور	۱۰
بیک اوچیوز اون اوچ سنه سی ظرفنده ورود ایدن	۴۷۰
	۴۸۰
بیک اوچیوز اون اوچ سنه سی ظرفنده رؤیت اولنان	۴۸۰
	...

جنایت مواد

بیک اوچیوز اون ایکی سنه سنندن مدور	۱۰
بیک اوچیوز اون اوچ سنه سی ظرفنده ورود ایدن	۵۹
	۶۹
بیک اوچیوز اون اوچ سنه سی ظرفنده رؤیت اولنان	۶۴
	۰

استیناف

بیک اوچیوز اون ایکی سنه سنندن مدور	۶
بیک اوچیوز اون ایکی سنه سی ظرفنده ورود ایدن	۷۹
	۸۰
بیک اوچیوز اون اوچ سنه سی ظرفنده رؤیت اولنان	۸۲
	۳

سنه آخرنده ورود ایتیمیله بیک اوچیوز اون درت سنه سنه دور اولنان



قسم غیر رسمی

اگر دیر قضایی بدایت محکمه سنندن ۲۱
غستوس سنه ۳۰۹ تاریخی واون بدی عددی
ایله ویریلان اعلامک مابعدی

باشلوجه اعتراضاتی انای محاکمه مدعی عمومی
حاضر بولندیله رق مطالعه سنک استماع قلنامسی
مخالف اصول وقانون اولدیغندن بخله اعلامک
نقضی استدعاسندن ومدعی علیها زهرا خاتونک
نتیجه جوابی دخی اعتراض مذکورک ردی
وموافق اصول وقانون اولان اعلامک تصدیقی
طلبندن ومعاون مومی الیهک مطالعه سی دخی
دعوی واقعه حقوق خزینه یه متعلق اولدیغندن
مدعی عمومینک حضوری لابد اولدینی حالدده عدم
حضور یله رؤیت محاکمه مقابیر قانون بولنش
اولدیغندن بوجهتی تضمن ایدن اعتراضاتک موافق
قانون اولدینی بیانندن عبارت بولمشدر.

ایجابی مذاکره اولندقدده اعلام مذکور
مآلندن اکلاشدینی اوزره دعوی واقعه حقوق
خزینه یه متعلق اولدیغندن انای محاکمه
مدعی عمومینک حضوریله مطالعه سنک استماعی
تشکیلات محاکم قانونک التمش بشنچی ماده سی
احکامندن ایکن مأمور مومی الیهک عدم حضوریله
رؤیت دعوی اولنسی مقابیر قانون اولدیغنه
ومستدعینک اعتراضی بوجهته متدائر اوله رق
شایان قبول اولدینی کی معاون مومی الیهک
مطالعه سی دخی موافق نفس الامر بولندیغنه
بناءً اصول محاکمه حقوقیه قانونک ایکوز
اوتوز ایکنچی ماده سی موجبجه اعلام مذکورک
نقضیه قانون مزبورک ایکوز قرق دردنچی
ماده سی حکمنه توفیقاً کیفیتک صور مشروحه
دائرة سننده بالرؤیه اعلامه ربطی ضمننده محکمه
مذکوریه اعاده سنه وزیرده مفرداتی مرقم درت
یوز اون طقوز بچق غروش مصارف تمیزیه نک
ایلروده حقسز چیقہ حق طرفه وجوع ایتک
اوزره اول امرده مستدعی خزینه جلیله دن
المنسبه ۲۵ تشرین ثانی سنه ۳۱۱ تاریخنده متفقاً
قرار ویریلهرک تفهیم قلندی.



جانيك بدايت محكمه سندن ۱۵ ايلول سنه ۳۰۹ تاريخي وسكان عددي ايله استينافاً ويريلان اعلامك تميزيني استدعا ايدن بافره قضا. سنك حاجيلر كورتلر قريه سنده مقيم بكر اغازاده محمد اغا ايله قريه مذ كورده سا كنه حاجي سيد كريمه لري زرنشان وحاجه قادينلر يوم معينده دائره يه كلكاري كي جواب لايحه سي دخي كوندرد. مد كلردن تدقيقات تميزيه اجراسنه ابتدار اولندي .

اعلام مذ كورك خلاصه مالى مزبورده تان زرنشان وحاجه قادينلر متوفي پدرلري حاجي سيد اغدن انتقال ايدوب يكرمي سنه دنبرو تحت تصرفلرنده بولنان بافره قضا سنده واقع حاجيلر كورتلر قريه سنده كائن معلوم الحدود قشلاغه مزبور محمد اغا ايله متوفي حسين اغا ايتامك وصيسي ذليخا خاتون طرفلرندن وقوعبولان مداخله نك منعي بافره بدايت محكمه سنده طلب ودعوى ايتمشلر ايسه ده ادعالي نك ردينه دائر صادر اولان اعلام غيابي عليهنده عدم قضا عتله مزبور تان زرنشان وحاجه قادينلر جانبندن اعتراض على الحكم عر فحالي اعطا اولنسي اوزرينه محاكمه نك بر درجه وجاهاً اجراسيله اخيراً تعيين

ايجابي لى المذاكره اعلام مذ كور مندر .
تسندن منفهم اولدني اوزره دعواي مذ كوره

حقنده بدايه اصولي دائره سنده محاكمه اجراسيله برحكم قطعي ويرلش اولمسنه كوره محكمه استينافيه حكم مذ كوري فسخ ايتديكي صورته اصول محاكمه حقوقيه قانوننك يوز طقسان التنجي ماده سي حكمه نجه دعواي كندوسي مجدداً فصل ورؤيت ايتمي لازم كلور ايكن بوداثره قانونيه ده معامله ايتيويده يالكر اعلامك فسخيله اكتفا ايتش اولسي مغاير قانون اولديغندن اصول محاكمه حقوقيه قانوننك ايكوز قرق برنجي ماده سي موجب نجه اعلام مذ كورك نفضيله قانون مذ كورك ايكوز قرق در دنجي ماده سي حكمه نيه توفيقاً كيفيتك صورت مشروحه دائره سنده اعلامه ربطى ضمنتده محكمه مذ كوره يه اعاده سنه وزيرده مفر داني مرقم اوچ يوز يتمش اوچ بيق غروش مصارف محاكمه نك ايلروده حقسز چيقه حق طرفه رجوع ايتك اوزره اول امرده مستدعين اخذينه ۲۰ مايس سنه ۳۱۱ تاريخنده متفقاً قرار ويرلدي .

اعلام مذ كورك خلاصه مالى مرقوم نظر ك مزبور نيقولى ذمتنده اناطولى حصارنده واقع مع او طه بر باب سلخخانه واون ايكي باب دكان و بر باب قصاب دكاني بدل ايجارندن وجيرولى ايكي قطعه قونطوراتو جزاي تقديسندن وجهات معلومه سائر دن طولاي الاجني اولان جمعا اون درت بيك كسور غروشك تحصيلنه املاك مذ كور دن منع مداخله دعواسنه دائر مرقوم نظر ك بققوز بدايت محكمه سنده اقامه ايلديكي دعوى نتيجه سنده مدعي عليه مرقوم نيقولينك اساس ماده يه جواب وبرمسي لزومنه دائر ويريلان قرار ك عند الاستيناف تصديقيله محكمه يه اعاده قلنمش ولاجل الحاكمه تعيين قلنان كونده مدعي

بوغاز ايجنده قالكيجه قريه سنده ميتر وكيرونك عصار اتنده مقيم قصاب نظر ايله بيننده متكون دعوايه دائر محكمه استيناف حقوق قسمندن اعطا اولنوب ار كرى قضا سنك دو قصار قريه سنده سا كن قصاب ني قوله ولد ميتر وكيلى ياقومومو پلو افندي جانبندن تميزي استدعا قلنان ه شباط سنه ۳۱۱ تاريخي وايكوز طقسان طقوز عددي اعلام اعتراض وجواب لايحه لريله بالمطالعہ تدقيقات تميزيه اجراسنه ابتدار اولندي .

عليه مرقوم نيکوله دعوت واقعه به اجابت ايتماش اولديغندن تعين قلنان و کيل مسخر حضوريله جريان ايدن محاکمه و تدقيقاً مدعاه اولان مذکور اون درت بيک سکر يوز التمش بر غروشک مدعی عليه مزبور نيکوليدن تحصيل ايله مدعی نظره اعطاسنه دائر محکمه مذکورده دن ويريلان اعلام غياي عليه مزبور نيکولا طرفندن اعتراض علی الحكم استدعای اعطالتمش ايسه ده ينه يوم معينه اجابت ايدلماش اولديغندن عرضحال مذکورک ردینه دائر ويريلان اعلام عليه مزبور اعطال قلنان استيناف استدعاسنک ردینه دائر محکمه مذکورده دن صادر اولان اعلامک هيئت عموميه جه نقض واعاده اولتمشی اوزرينه بتکرار اجرا قلنان محاکمه و تدقيقات استينافيه نتیجه سنده اعلام مستأنف بهک محکمه تمیز حقوق دائره سنجه نقض اولتمشيله اخيراً حکم سابقه اصراری حاوی استينافاً ويريلان اعلامک تصديقه حکم و برلمی و مستدعی تمیز نيکولا و کيلي ياتقو مامويلو افنديک اشبو حکم عليه مزبور لایحه سنده محرر اعتراضاتک خلاصه سی حکمه اساس اتخاذ قلنان اورا قک عیناً و يا خود خلاصه محاکمه حاضر بولنديرلمی قرار واقع اقتضاسندن ايکن بولنديرلمی و اساساً

موکله اعطا ايدليني ادا ايتمکده اولديني بعض اشيانک اصلي اوليوب بونک اثباتي حقدنه ينه طلب اولتمشیکن بوندن دخی صرف نظر اولتمشی واستينافاً درميان ايدليني اعتراضاتک يکان يکان تدقيقه حاصل اوله جق حاله کوره قرار و برلمی لازم کلور ايکن بلا تدقيق رديله درجه اولی محکمه سی اعلامک تصديقي جهته کيدلمی يولسر ومغار قانون اولديغندن بمثل اعلامک نقض ومدعی عليه نظرک لایحه سنده مندرج نتیجه اجوبه سی ايسه اعتراضات مسروودنک واهی و بی اساس اولديني بيانيله ردی وموافق اصول قانون اولان اعلامک تصديقي طلبندن عبارت بولمشد.

اجبابی مذاکره اولندقدن اعلام مذکور مطالعه سندن مفهوم اولديني اوزره مدعی مزبور منازع فيه سلاحخانه ايله دکانلرک مستأجر حقیقیسی اوليوب متصرفينک و کيلي اولديني ايجار واستيجار مقالله نامه سنک جيروسی ايسه مواضعه طريقه بولنديني ومدعی عليه طرفندن وقوعبولان اعتراض کرچه مجله نک بش يوز بتمش سکرنجی ماده سنه بناء رد ايدلمش واشبو قرار مؤخرأ استيناف محکمه سنجه دخی تصديقي ايدلمش ايسه ده اعتراض مذکورک بهمه حال تحقیقی واصولی

دائرة سنده اثبات ايتديرلمی و ايدمه مدیکی صورتده مدعی به يمين توجه ايدمه جکندن تحلیفی اجرا قلنمق لازم کلور ايکن بولوده اجرای تحقیقات ايدلميرک بوجه محرر قرار و برلمی يولسر ومغار قانون اولديني کي بودفه استيناف استدعا نامه سنده بيان ايدیلان اعتراضاتک يکان يکان تحقیقه علل واسباب موجه سيله رد و يا قبولی ايجاب ايدر ايکن او بولوده معامله ايدلميرک اعتراضاتک اعلام مستأنف بهک فسخی موجب کوريله مدیکندن بمثل اعلام ابتدائينک تصديقي بولنده قرار و برلمی مغاير قانون اولديغه و مستدعی و کيلنک اعتراضی دخی شایان قبول بولنديغه بناء اصول محاکمه حقوقه قانونک ايکوز اوتوز ايکنجی وایکی بوز قرق برنجی ماده لری موجه سنجه اعلام مذکورک نقضيله قانون مزبورک ايکوز قرق دردنجی ماده سی حکمنه توفيقاً کيفيتک صور محرره دائره سنده يکيدن بالرؤيه اعلامه ربطی ضمننده محکمه مذکوریه اعاده سینه وزیرده مفرداتی مرقم ايکی بوز سکسان سکر بچق غروش مصارف تمیزيه نک ايلروده حقسنز چقه جق طرف رجوع ايتک اوزره اول امرده مستدعی

مرقومه دن التمسنه ۱۰ حزينان سنه ۳۱۲ تاريخنده متفقاً قرار و يرلدی .

نشان طاشنده مقيم مایين هایون جناب ملو کانه کيلار جيلرندن محمد افندی ايله قزطاشنده اسکندر پاشا محله سنده اون بش نومرولی خانه ده سا کنه لطفیه خانم يبنده متحدث دعوايه دائر محکمه استيناف حقوق قسمندن ويريلان ۱۷ کانون ثانی سنه ۳۱۱ تاريخی وایکی بوز سکسان بر نومرولی اعلامک مزبوره لطفیه خانم جانیبندن تمیزی استدعا اولتمغله طرفينک اعتراض وجواب لایحه لريله برابر بالمطالعہ تدقيقات تمیزيه اجرا سینه ابتدار اولندی .

اعلام مذکورک خلاصه مالی مومی ايله محمد افندی ايله مزبوره لطفیه خانم يبنده تکیون ايدن دعوايه دائر اخيراً محکمه استيناف حقوق

قسمندن ویریلان اعلامك عندالتمیز نقض واعاده
 قلمسی اوزرینه محكمه مذ كوره چه بتكرار
 جریان ایدن محاکات و تدقیقاته مزبوره لطفیه
 خاتم طرفندن درسمعات بدایت محكمه سی برنجی
 حقوق دائرسمندن صادر اولان اعلام علیهنده
 اعطای قلنان استیناف استدعا نامه سنك ابطالیه
 موقه حق محاکمك سقوطنه دائر ویریلان
 اعلام غیابی علیهنده مزبوره لطفیه خاتم اعتراض
 ایتیش واشبو اعتراض اوزرینه محكمه چه اعطای
 قلنان اعلام تمیزاً نقض ایدیش ایسه ده مزبوره
 لطفیه خاتم ینه معترضه حقنده بولنش و یوم
 معینده کله جکئی مشعر اولیابده کی احضار ورقه
 سنه برmq اشارتی وضع ایلدیکی حالده کلامش
 اولدیفندن اصول محاکمه حقوقیه قانوننك الی
 طقوزنجی ماده سی موجبجه مزبوره لطفیه خاتم
 طرفندن ویریلان اعتراض علی الحکم عرضحالنك
 ردینه حکمدن و مستدعی تمیز لطفیه خاتمک اشبو
 حکم علیهنده لایحه سنده محرر اعتراضاتنك
 خلاصه سی رد استدعایه سبب اتخاذ قلنان دعوتیه
 ورقه سی اصولی دائرسمنده کندوسنه تبلیغ
 ایدلماش و بوا یسه قانوناً کائن لم یکن حکمنده
 بولنش اولدینی حالده محكمه چه بوراسنك نظر
 اعتباره التمسین استدعاتنك ردینه قرار ویرلمسی

یولسز و مغایر قانون اولدیفندن بمثل اعلامك
 نقضی و مدعی علیه محمد افندینك لایحه سنده
 مندرج نتیجه اجوبه سی ایسه امرتبلیغك خصمنه
 استیناف محكمه سنده واقع اولوب اعتراضات
 مسروده نك واهی و بی اساس اولدینی بیانیله ردی
 و موافق اصول و قانون اولان اعلامك تصدیق
 استدعاتندن عبارت بولنشدر .

ایجابی مذاکره اولندقدمه اعلام مذ کور
 مطالعه سنندن منقهم اولدینی اوزره نتیجه حکم
 استینافی معترض موسی الیها لطفیه خاتمک یوم
 معینده کله جکئی مشعر دعوتیه ورقه سنه برmq
 اشارتی وضع ایلدیکی حالده یوم معینده اجابت
 ایتماسی جهتله اعطای ایتیش اولدینی اعتراض علی
 الحکم عرضحالنك ردینه حکمدن عبارت اولوب
 اصول محاکمه حقوقیه قانوننك ایکی یوز اوتوز
 یدنجی ماده سنك برنجی فقره سی موجبجه اعلام
 مذ کورده ده مندرج احوال و کیفیاتك محقق عد
 اوله جفی در کار ایسه ده محكمه استینافیه دن
 جلب و مطالعه ایدیلان دعوتیه ورقه لری ظهرنده
 محرر ایضا شرحلرینه نظراً معترضه موسی الیها
 لطفیه خاتم اخیراً تعیین قلنان کونده محكمه یه
 کلیه جکینه دائر ورقه دعوتیه ظهرینه یازیلان

شرح زیرنده برmq اشارتی وضع ایتیبوب تمهیر
 ایلدیکی بالتدقیق کورلش و بصورت ماده مذ کوره
 نك فقره اخیره سی حکمنجه احوال و کیفیات
 مذ کوره نك مجروحیتی موجب بولنش و مستدعیه
 مزبوره نك اعتراضی دخی شایان قبول کورنش
 اولدیفنه بناءً ماده مذ کوره نك فقره ثانیه سی
 موجبجه اعلام مذ کورك نقضیه قانون
 مزبورك ایکوز قرق درونجی ماده سی حکمنه
 توفیقاً کیفیتك صور محرره دائرسمنده یکیدن
 اعلامه ربطی ضمننده محكمه مذ کوره یه اعاده سنه
 وزیرده مفرداتی مرقم ایکی یوز طقسان اوج بحق غروش
 مصارف تمیزیه نك ایلروده حقسنز جقه چق طرفه
 رجوع ایتك اوزره اول امرده مستدعیه
 مزبوره دن التمسنه ۲۷ جزیران سنه ۱۳۱۲ تاریخنده
 متفقاً قرار ویرلدی .

کلیك بدایت محكمه سنندن ۲۵ جزیران سنه
 ۳۱۰ تاریخیه ویریلان اعلامك تمیزیتی استدعا
 ایدن کلیك قصبه سنك یکی محله سنده مقیم فابریقه جی
 یانقو و کبلی نیقولاک افندی ایله مدعی علیه
 درسمعاتده روم ایلی حصارنده اون بش نومرولی
 ساحلخانه ده مقیمه مصطفی افندینك کریمه سی حبیبه
 خاتم تعیین اولنان کونده دائریه کلدکاری کبی جواب
 لایحه سی دخی کوندردیکندن تدقیقات تمیزیه
 اجرا سنه ابتدار اولندی .

اعلام مذ کورك خلاصه مالی مزبوره حبیبه
 خاتم برقطعه اوقاف سنندی موجبجه متصرف
 اولدینی قومله صغیر قریه سی حدودنده واقع
 برقطعه دالسان برینه مرقوم یانقو طرفندن وقوع
 بولان مداخله نك منعی طلب و دعوی وبر
 قطعه سند ابراز واعطای ایتسمنه قارشو مرقوم
 یانقو دخی منازع فیه محل باطابو تحت تصرفنده
 اولدینی مدافعه بیان ایتیش ایسه ده اولیابده
 اجرا قلنان محاکمه و کشف و تدقیقات نتیجه
 سننده محل مذ کورك مدعیه مزبوره نك تحت
 تصرفنده اولدینی تحقیق ایتیش اولمغله مرقوم
 یانقونك وقوع بولان مداخله سنك منعه حکمدن
 و مستدعی تمیزك اشبو حکم علیهنده لایحه سنده
 محرر باشلوجه اعتراضی دعوای مذ کورده ده
 ذی الیدلکک بالینه اثبات ایتدیرلماسی مغایر

قانون اولدیغندن بئله اعلامك نقضی استنداسندن عبارت بولمیشدر .

ایجابی مذاکره اولندقدہ اعلام مذکور مآلندن اکلاشدیغی اوزره دعوی واقعه عقاره متعلق اولوق حسیله اول امرده توجه خصوصیت ضمننده ذی الیدلک مسئله سنک بالینه اثباتندن صکره حاصل اوله جق حاله کوره ایجاب ایدن طرفدن بیته شخصیه طلبیه استماع قلمق لازم کور ایکن بوراسنه دقت اولنماسی و محل منازع فیه وقف اولوق جهتیه انشای محاکمه اوقاف مأورینک دخی حضوری مشروط ایکن مأور مومی الیهک حاضر بولندیرلمق سزین اسباب حکمدن اولیان کشف راپورینه بنای حکم ایدلسی مغایر قانون بولمیش اولدیغندن اصول محاکمه حقوقیه قانونک ایکوز اونوز ایکنجی وایکوز قرق برنجی ماده لری موجبجه اعلام مذکورک نقضیه قانون مزبورک ایکوز قرق دردنجی ماده سنه توفیقاً کیفیتک صور مشروحه دائره سنده بالرؤیه اعلامه ربطی ضمننده محکمه مذکوریه اعاده سنه وزیرده مفرداتی مرقم اوچ یوز سکسان بیجق غروش مصارف محاکمه نک ایلروده حقسنر حقیقه جق طرفه رجوع ایتک اوزره اول

امرده مستدعی تمیزدن اخذینه ۲۶ کانون ثانی سنه ۳۱۱ تاریخنده متفقاً قرار ویرلدی .

ادر میدده مقیم حیان اوغلی ابراهیم اغایله ادر میدده بالطه جی جفتلکننده مقیم جلب تجارتندن ارنبود ولد اندون بیتمده متحدث دعویاه دائر قره سی بدایت محکمه سنندن استینافاً ویریلان ۲۷ کانون ثانی سنه ۳۰۱ تاریخی اعلامک تمیزی مرقوم قسطی جانبندن استندا ایدلمکله جواب لایحه سی ویرلدیکی جهتیه یالکیز مستدعینک اعتراض لایحه سیله برلشدیریلرک بالمطالعہ تدقیقات تمیزیه اجراسنه ابتدار اولندی .

اعلام مذکورک خلاصه مالی مزبور ابراهیم اغاک اوچ یوز اون سنه سنه محسوباً حیوایات اعشارینی درعهده والتزام ایلدیکی ادر مید قضا سنه تابع جروق قریبه سی داخلنده کائن بالطه جی

چفتلکننده حاصل اولان بیک دونم مقداری چایرک مجلس اداره قضاچه هر دونمی ایچون استیفاسی تقرر ایدن الی غروش عشرک مع حصه اعانه و معارف بدلی بولسان بش بیک بدی یوز

مابعدی وار

اعلان

ایوب سلطان جوارنده اسلام بک محله سنده اسلام بک زقاغنده یکریمی نومرو ایله مرقم اولوب خدیجه کلهر خانم ایله محمد خالد افندی عهده لریده اولدیغی حالده مقدسجه باسند رسمی مع فائض ایکوز قرق عدد لیرای عثمانی دینی مقابلنده و کالت دوریه ایله صغیره خدیجه منوره خاتمک وفاء عهده سننده بولسان معلوم

الحدود والمشمولات بوستان کدکی مدت معینه نک مرور ایلدیکی حالده تسویه دین اولنماسندن ناشی مقدما صغیره والیوم کیره خدیجه منوره خانم طرفندن وقوعبولان استندا اوزرینه اصول ونظامی موجبجه تاریخ اعلاندن اعتباراً قرق بش کون مرورنده حاله اولیه سی واندنصرکرده اون بش کون ظرفنده یوزده بش ضعی قبول ایدیلرک ختام مدنده حاله قطعی سی اجرا اولمق اوزره التمس بر کون مدته موقع مزایدیه قونلدیغندن طالب اولنلرک ودها زیاده معلومات المق استیانتلرک مذکور بوستان کدکنک قیمت تخمه و تحریریه سی اولان الی بیک غروشک یوزده اونی نسبتنده پی ایچ لرینی مستصجاباً دفتر خاقانی نظارت جلیله سی سندات اداره عمومیه سنه مراجعت ایتلری اعلان اولنور .

۱۸ شباط سنه ۳۱۳

حید جوارنده پیچاچی علاءالدین محله سنده حاجی موسی زقاغنده برنومرولی خانه ده ساکن رجب رائف افندینک کراسته جیلر ایچنده حاجی ایوب افندینک یکریمی برنومرولی مغازه سنده مستخدم بال اوغلی یوردان ذمتنده جهت قرضدن طولایی باسند اله جنی اولان یکریمی بریچق عثمانلی لیراسنک تأمین استیفاسی ضمتنده حطب قپوسنده تجارندن قیصریه لی طوپال اوغلی خرملبوس وینه حطب تجارندن کریاقونک معیتنده مستخدم قیطاز اوغلی یوان کفالت ایتش اولدقلرندن مبلغ مذکورک مع قانض و مصارف محاکمه مدیون و کفالاسندن تحصیلی خصوصنک تحت حکمه النسی خصوصی موسی الیه رجب رائف افندی طرفندن استمداء قلمش و برای محاکمه مدعی علیهمه اصولاً ورقه دعوتیه اوزرینه کفالادن طوپال اوغلی خرملبوسک معین اقامتگاه بولندینی وزده اولدینی معلوم اولدینی حقنده کراسته جی اصنافی کتخدانی طرفندن ویریلان شرح ایله تبلیغ قلماش اولدینی و مدعی رجب رائف افندی دخی مرقوم طوپال اوغلی خرملبوسک اقامتگاه مجهول اولدینی اکلالمغله مرقومه یازیلان دعوتیه ورقه سنک محکمه دیوانخانه سنه تعلیق وغزته ایله نشر واعلانی

۲ مارت سنه ۳۱۴

صراف مسیا اسپریان افندینک درسمعات بدایت محکمه سی برنجی حقوق دائره سندن استحصال ایلدیک اعلام موجبنه فواد و برادری احمد بکر ذمتنده محکوم به الاجنی اولان معلوم المقدار مبالغتک تأمین تسویه سی ضمتنده مدیون موسی الیهک متصرف اولدقلری مرهون و فروختی بااعلام محکوم بولنان فاتحده خراجچی محی الدین محله سنده چقور حمام زقاغنده کائن اون یدی نومرولی و اوتوز ایکی سهم اعتبارلی سکر یوز طقوز ارشون بقیچینی حاوی درت اوطلی خانه نک طقوز سهمی ایله سکر نومرولی اسیر بازارنده واقع حاوی نصف کار کیر فوقانی و تحتانی اون اوچ اوطله و درت خلا و برقیو وایکی یوز الی ارشون مقداری عرصه یی مشتمل خانک اوچده بر حصه سی التمش بر کون اجرا قلنان مزایده علنیه نتیجه سنده لیرای عثمانی یوز غروش حسابیله خان حصه سی التی بیک بشیوز غروشده و خانه دخی اوچ بیک التیوز غروشده طالبلری عهده لرنده تقرایلمش و بوندن زیاده طالب اولنلرک ظهور ایتماسی جهنیه موقت قرار داده سی کشیده قلمش اولمغله بوندن زیاده یعنی یوزده بش ضمیمه طالب اولنلرک ودها زیاده معلومات المق استیئانلرک یوزده بش ضمیمه اوتوز بر کونه قدر مراجعت ایلملری

صراف مسیا اسپریان افندینک درسمعات بدایت محکمه سی ایکنجی حقوق دائره سندن صادر اولان اعلام موجبنه قورقو شهبندری الهامی بک ذمتنده الاجنی اولان مبالغتک تأمین استیفاسی ایچون مدیون موسی الیهک مالی اولوب مرهون و فروختی محکوم بولنان سکر یوز درهم کوش وایکی عدد الماس یوزک و بر عدد ساعت قول و کوملک دو کله لرینک بالمزایده فروختی قرار لشدیرلمش اولدیفندن مرهونات مذکورده نک چارشوی کیرده قیو بجیلر چارشوسنده تاریخ اعلاندن اعتباراً اوچ کون صکره و اوچ کون مدته بالمزایده فروخت اولنه جفتدن طالب اولنلرک محل مذکور مراجعت ایلملری درسمعات اعلامات نظامیه اجرا دائره سندن اعلان اولنور

۳ مارت سنه ۳۱۴

در سعادت اعلامات نظامیه اجرا دائره سندن صوك
دفعه اوله رق اعلان اولنور .

۱۸ شباط سنه ۳۱۳

تثبت اولنه جنی در سعادت اعلامات نظامیه اجرا
دائره سندن اعلان اولنور .

۲۸ شباط سنه ۳۱۳

قورد اوغلی یورغا کی افندیك نیکده بدایت
محکمه سی اعلامیه صاوه اوغلی یورق ذمتنده
محکوم به الاجنی اولان معلوم المقدار مبلغک تأمین
تسویه سی ذمتنده مدیون مرقومک متصرف
اولدینی برنجی دائره بلدیله داخلنده قدرغه لپاننده
واقع قرق بش نومرولی و تخمیناً اوتوز بیک
ارشون مقداری و دروننده ایکی عدد قیو
و بر بچوان قلبه سی و بش بچوان او طه لرینک
یوز سکر حصه اعتباریه مرقومک متصرف
اولدینی طقوز حصه شایمه سنک تاریخ اعلاندن
اعتباراً اون بش کون صکره بالمزایده فروخته

عثمان و مصطفی افندیلرک دیمتری و برادری
طومه ذمتلرند با اعلام محکوم به دینلری بولنان
معلوم المقدار مبلغک تأمین استیفاسی چون مرهون
و فروختی محکوم بولنان نور عثمانیه جامعشریفی
قربنده واقع تخمیناً سکسان ارشون عرصه
اوزرینه مبنی کار کیر و اوج قاتدن عبارت فوقانی
و تحتانی اوج او طه و برابدرستخانه و بر صوفه و بر
داراجه بی و تحتنده سلسله خانه بی حاوی و شهری
اوچیوز فروش ایجارلو بر باب اشجی دکانی
کدیکنندن ربع حصه شایمه سنک تاریخ اعلاندن
اعتباراً اون بش کون صکره بالمزایده فروخته

تثبت اولنه جنی در سعادت اعلامات نظامیه اجرا
دائره سندن اعلان اولنور .

۵ مارت سنه ۳۱۴

وسنوی اوچیوز قرق لیرا ایجار کتورن اق
طوغان چیفتلکی دیمکله معروف چیفتلکدن خانم
مومی الیهانک متصرفه اولدینی نصف حصه سی
عندالمزایده لیرا یوز فروش حسابیه بیک یوز
ایرا ده طالبی عهده سنده تقرر ایدک تاریخ اعلاندن
اعتباراً اجرا قانونی احکامنه توفیقاً بر ماه ختامنده
قرار قطعیه و یریه جکی جهته یوزده بش ضمیمه
زیاده به طالب اولنلرک مدت مذکور ظرفنده
اسکدار بدایت محکمه سی اجرا دائره سنه مراجعت
ایلملری اعلان اولنور .

۴ مارت سنه ۳۱۴


صراف ابراهام افندیك خدیجه نظیره خانم
ذمتنده با اعلام الاجنی اولان مبلغک تأمین استیفاد
سی ذمتنده تحت چیز و رهینده بولنان مایه ساس
ناحیه سنده کائن بر طرفی بیرامسیج قریه سنک
سینور دره سندن حاجی باغون قریه سندن کلان
چیرچیر بولندن چایر و بر طرفی کوچک قوری
وارنبود اوغلنک چوبان قلبه سنک اتصاله واران
کول و بر طرفی چیفته قره قوالرک حذا سندن
قزاقلر جهتی حدودی و حدود اریبه ایله محدود
و تخمیناً بشیک دونمدن عبارت مرعا حالنده
واوزرند یوز قدر بطلال قره اغاج و آق طوغان
نام محله خراب برطام و دروننده کیر برقیو
واطرافنده یاز و قیش صو آقار دره بی حاوی

ارتین ازناوریان و کر قور اونجیان افندیلرک
طنغر زاده ارتین و مغردیج افندیلر ذمتلرند
محکوم به اولان الاجقارینک تسویه سی ایچون بک
اوغلنده قلفاتجی بولنده اغا محله سنده مزارلق

جاده سنده سقا چيقماز زقاغنده ۱۵ ومكر ۱۵
نومرولر ايله مرقم غير ازافراز بوزاللى برزراع
عتيق مقدار عرصه نك ويكي كويده آيانيقولا
مخله سنده كوي باشى جاده سنده ۱۸۰ نومرولى مع
آخور بفيجه ايله بيوك يكي خانك اوست قانده
۵۲ و ۵۳ نومرولر ايله ايكي باب اوطه نك نصف لرنده
ويكي كويده كوي باشى زقاغنده بر باب ملك خانه
تمامنده مديونان موسى اليهمانك پدرلى متوفى
پترى افسيدن منقلاً متصرف اولدقلى برر
ثلث حصه لرى بوندن اقدم موقع مزايده يه قونيله رق
عثمانلى ليراسى بوزغروش حسابيله مع آخور بفيجه
حصه لرى ايكي بيك و خانه حصه سى كذلك ايكي بيك
وعرصه حصه سى اون ايكي بيك بش بوزغروش
وايكي باب اوطه لر حصه لرى دىخى اوچييك بوزغروش
بدلات ايله طالبلرى عهده لرنده قالمش وتاريخ
اعلانندن اعتباراً اونوز بر كون يعنى يكي كويده
واقع بفيجه و خانه حصه لرى چون كله جك مارت
رومينك يكرى ايكنجى بازار كوفى ساعت اونه
قدر ويوك يكي خانه واقع اوطه لر حصه لرى چون
ينه شهر مذ كورك يكرى درديجي صالى كوفى
ساعت اونه قدر وبك اوغلنده سقا چيقمازده
كائن عرصه حصه سى چون دىخى ينه شهر مذ كورك
يكرى التيجى پنجشنبه كوفى ساعت اونه قدر

يوزده بش ضم قبول اولغىسى و ذ كر اولنان ايام
واوقانده مزايده لرى بالا جرا قرار قطعيلىرى
وبريله رك طالبلرى عهده لرينه بگورلىسى مقرر
بولغش اولديغندن واندن صكره هر نه ضم وقوع
بولور ايسه قبول اولغىمه جغندن حصص مذ كوره يه
يوزده بش ضميله طالب اولنلرك ودها زياده
معلومات المقتضى استيمانلرك بدل مزايده نك عشرينه
مساوى بي الحقه سيله برابر صوك مزايده سى كونلرنده
ووقت معينلرنده املاك مذ كورك پيشكاهنده
بولغلى محكمه تجارت اجرا دائره سندن اعلان
اولنور .

۱۹ شباط سنه ۳۱۳



(مطبعة عامره ده طبع اولغىشدر)